

Bosna i Hercegovina  
Federacija Bosne i  
Hercegovine  
Kanton Sarajevo  
Grad Sarajevo  
**OPĆINA CENTAR  
SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР  
САРАЈЕВО**  
Општински начелник

Broj: 02-11-1792/21-4

Datum: 13.07.2021 godine

Na osnovu člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), na prijedlog Komisije za javne nabavke, imenovana rješenjem broj: 10-45-137/21 od 01.07.2021. godine, u daljem tekstu: Komisija, Općinski načelnik d o n o s i:

### **O D L U K U** **o izboru najpovoljnijeg ponuđača**

- I.** Ponuda „**GRAKOP**“ d.o.o. Kiseljak, ul. Gromiljak bb, Kiseljak, broj ponude: 05/21 od 20.04.2021. godine, ukupne vrijednosti **1.693.546,14 sa PDV-om**, za javnu nabavku za izvođenje radova na izgradnji, rekonstrukciji, sanaciji i redovnom održavanju cesta za potrebe Općine Centar Sarajevo, LOT 4 - Područje mjesnih zajednica: Ciglane, Koševsko brdo, Donji Velešići, Betanija - Šip, putem otvorenog postupka, prihvata se za dodjelu ugovora.
- II.** Ponuđači će o prihvatanju ponude iz stava I. ove Odluke, biti obaviješteni najkasnije u roku od sedam dana od dana donošenja Odluke.
- III.** Ova odluka će biti objavljena na internet stranici Općine Centar Sarajevo: [www.centar.ba](http://www.centar.ba), istovremeno sa dostavljanjem svim ponuđačima.

### **O b r a z l o ž e n j e**

Otvoreni postupak za javnu nabavku za izvođenje radova na izgradnji, rekonstrukciji, sanaciji i redovnom održavanju cesta za potrebe Općine Centar Sarajevo, LOT 4 - Područje mjesnih zajednica: Ciglane, Koševsko brdo, Donji Velešići, Betanija - Šip, pokrenut je odlukom Općinskog načelnika broj: 02-11-1792/21 od 05.04.2021. godine.

Shodno Zakonu, objavljeno je Obavještenje o nabavci putem otvorenog postupka, na internet portalu E-nabavke broj obavještenja: 848-1-3-51-3-32/21 od 06.04.2021. godine.

U roku za dostavljanje ponuda određenom u tenderskoj dokumentaciji dana 28.04.2021. godine do 12,00 sati, na adresu ovog ugovornog organa pristigle su 3 (tri) ponude sljedećih ponuđača: „MIBRAL“ d.o.o. Sarajevo, „GRAKOP“ d.o.o. Kiseljak i Konzorcij „KOMGRAD – ZE“ d.o.o. Zenica i „ALMY TRANSPORT“ d.o.o. Zenica.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok plaćanja kao potkriteriji „ekonomski najpovoljnije ponude“, kako slijedi:

<b>r/b</b>	<b>Ponuđač</b>	<b>POTKRITERIJ 1 Ukupna cijena ponude u KM sa PDV-om i popustom</b>	<b>POTKRITERIJ 2 Rok plaćanja</b>
1.	„MIBRAL“ d.o.o. Sarajevo	1.981.214,82	60 dana
2.	„GRAKOP“ d.o.o. Kiseljak	1.693.546,14	61 dana
3.	Konzorcij „KOMGRAD - ZE“ d.o.o. Zenica i „ALMY TRANSPORT“ d.o.o. Zenica	1.616.128,02	90 dana

Nakon izvršenog javnog otvaranja ponuda ovom ugovornom organu izjavljena je žalba na tendersku dokumentaciju od strane jednog od potencijalnih kandidata/ponuđača.

Žalba sa spisom predmeta je dostavljena na nadležno rješavanje Uredu za razmatranje žalbi Sarajevo dana 26.05.2021. godine, a sve dalje radnje u vezi sa predmetnim postupkom nabavke su obustavljene do konačnog rješavanja po žalbi.

Dana 30.06.2021. godine, Ured za razmatranje žalbi BiH Sarajevo, donio je zaključak broj: JN2-01-07-1-1430-9/21 od 29.06.2021. godine, kojim se obustavlja postupak po žalbi.

Nakon prijema zaključka o obustavi postupka po žalbi, Komisija je izvršila pregled i ocjenu ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude ponuđača „MIBRAL“ d.o.o. Sarajevo i „GRAKOP“ d.o.o. Kiseljak, sačinjene potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Komisija je izvršila računsku kontrolu dostavljenih ponuda i pri tome nije pronađena nijedna računska greška.

Ponuđač Konzorcij „KOMGRAD - ZE“ d.o.o. Zenica i „ALMY TRANSPORT“ d.o.o. Zenica, nije dostavio traženi dokaz o ispunjavanju uslova ekonomske i finansijske sposobnosti iz tačke 7.3.1. tenderske dokumentacije, odnosno da je ponuđač u posljednje 3 (tri) godine računajući od dana podnošenja ponude ili od datuma registracije ponuđača, kao izvođač ostvario promet na izvođenju radova na izgradnji, rekonstrukciji, sanaciji i redovnom održavanju cesta u posljednje 3 (tri) finansijske godine u visini od najmanje 1.000.000,00 KM sa PDV-om. Kao dokaz o ispunjavanju navedenog uslova zahtijevano je dostavljanje izjave na obrascu ponuđača o ostvarenom traženom prometu na izvođenju radova na izgradnji, rekonstrukciji, sanaciji i redovnom održavanju cesta, u posljednje 3 (tri) finansijske godine u visini od najmanje 1.000.000,00 KM sa PDV-om. Kako ponuđač Konzorcij „KOMGRAD - ZE“ d.o.o. Zenica i „ALMY TRANSPORT“ d.o.o. Zenica, u svojoj ponudi nije dostavio traženi dokaz, njegova ponuda se odbacuje kao neprihvatljiva u skladu sa odredbom člana 68. stav (1) Zakona o javnim nabavkama.

Komisija je izvršila bodovanje ponuda po osnovu oba podkriterija „ekonomski najpovoljnije ponude“, primjenom odgovarajuće formule za izračun broja bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijih ponuđača, kako slijedi:

Ponuđač	Podkriterij	
	Cijena 95%	Rok plaćanja 5%
„MIBRAL“ d.o.o. Sarajevo	$\frac{1.693.546,14}{1.981.214,82} = 0,85 \times 95$ = 81,2 bodova	$\frac{60}{61} = 0,98 \times 5$ = 4,9 bodova
„GRAKOP“ d.o.o. Kiseljak	$\frac{1.693.546,14}{1.693.546,14} = 1 \times 95$ = 95 bodova	$\frac{61}{61} = 1 \times 5$ = 5 bodova

Nakon bodovanja po osnovu utvrđenih podkriterija ekonomski najpovoljnije ponude, izvršeno je rangiranje ponuda:

r/b	Ponuđač	Broj bodova	Rang
1	„GRAKOP“ d.o.o. Kiseljak	100	1
2	„MIBRAL“ d.o.o. Sarajevo	86,1	2

Komisija je u daljem radu donijela jednoglasnu odluku da se Općinskom načelniku dostavi

## PREPORUKA O PRIHVATANJU PONUDE

Ponuđača „**GRAKOP**“ d.o.o. Kiseljak, ul. Gromiljak bb, Kiseljak, sa ukupnom cijenom ponude u iznosu od 1.693.546,14 sa PDV-om, i rokom plaćanja od 61 (slovima: šezdesetjedan) dan, za javnu nabavku za izvođenje radova na izgradnji, rekonstrukciji, sanaciji i redovnom održavanju cesta za potrebe Općine Centar Sarajevo, LOT 4 - Područje mjesnih zajednica: Ciglane, Koševsko brdo, Donji Velesići, Betanija - Šip.

Općinski načelnik je prihvatio Izvještaj i preporuku Komisije za nabavke, o čemu je donio ovu Odluku, shodno članu 70. Stav (1) Zakona.

### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH Sarajevo, putem ugovornog organa (Općina Centar Sarajevo), najkasnije u roku od 10 (deset) dana od dana prijema iste, shodno članu 101. stav (5) Zakona.

Naknada za pokretanje žalbenog postupka iznosi 7.500,00 KM shodno članu 108. stav (1) tačka f) Zakona.

Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



Prilog: Zapisnik o pregledu i ocjeni ponuda  
Broj: 02-11-1792/21-4 od 06.07.2021. godine

### DOSTAVITI:

#### 1. Ponuđačima:

- „MIBRAL“ d.o.o. Sarajevo, Srebrenička 1, Sarajevo
- „Konzorcij „KOMGRAD - ZE“ d.o.o. Zenica i „ALMY TRANSPORT“ d.o.o. Zenica, Bistua Nuova 17, Zenica
- „GRAKOP“ d.o.o. Kiseljak, Gromiljak bb, Kiseljak

#### 2. Službi za javne nabavke, zajedničke poslove i informatiku

#### 3. Službi za investicije, komunalni razvoj i planiranje

#### 4. Arhivi